

INUIT ATAQATIGIIT INATSISARTUNI



UPA:2026/129

Pipaluk Lynge

18. juni 2026

Nunatsinni namminersorneq pillugu inatsit qanoq nutarterneqarsinnaanera ullutsinnut naleqqussarlugu apeqquteqaat aallaavigalugu siunnersuut.

Inatsisartunut ilaasorta, Aqqalu C. Jerimiassen, Atassut

Siullermik Atassutip siulittaasuanut Aqqalu C Jerimiassenimut oqallissaarummut qujanaq.

Nunarsuaq ullormiit ullormut sukka-soorujussuarmik allanngoriartorpoq.

Pissaanilerngusaanneq, sorsunnerit, siorasaarinerit, uuliasiorniarnit, nunaminnik allisaaniat allarpassuillu avataaniit isiginnaarpagut.

Inuit Ataqatigiinniit siornali Nunanut Allanut Periusissiatta nutaanngilereenera oqariartuutigaarput, Naalakkersuisullu nutarterinissaannik kaammattorlugit.

Nalimmassartariaqalersimavugummi pissutsinut allarluinnarnut. Nunarput oqallisaaqaaq, uagullu sorsunnersugut tusarniarneqaaq. Taamaattumik Inuit Ataqatigiinniit innuttaasut naalaarsinnaanissaat, innuttaasullu peqataatinneqarnissaat pingaartipparput.

Folketingimut Inuit Ataqatigiinniit ilaasortaaitatta danskit tunngaviusumik inatsisaat aamma nutartertariaqartutut isigaa, kaammattuutigalugulu, uagut Savalimmiormiullu peqataaffigisinnaasatsinnik nutaallioqatiseralugit.

Pingaaruteqarluinnarpoq, aamma uagut nunatsinni Namminersorlutik oqartussat inatsisaata nutarternissaa. Taamaattumik oqallisissiorput pissutsinut allanngoraqisunut eqqartuisitsinera tulluurtutut Inuit Ataqatigiinniit nalilerparput. Sunami tamarmi aalajuarpoq uninnganani, nalimmassarsinnaassutsilliuna ineriartornermut malinnaasitsisuusartoq.

INUIT ATAQATIGIIT INATSISARTUNI



Nunanut allanut angalatilluta, ersarissartuarparput kalaaliusugut, amerikkarmiuuniangitsugut, danskiuniaratalu. Taamaattumik Nunanut Allanut Periusissiap nutarternissaa piffissaavoq, innuttaasullu peqatigalugit, qinikkatut pisussaaffeqarpugut, siunissaq qanoq ittoq nunaqqatitta orniginartinneerat.

Taamaattumik Naalakkersuisut innuttaasut peqatigalugit siunissatta eqqartorneqarnissaanut pilersaaruteqarnerat, Inuit Ataqatigiinniit qilanaaralugu taperserpagut, suleqataanissatsinnullu qilanaarluta.

Oqallinnissaq torersumik ingerlanissaa kissaatigalugu, oqallissaarummut qujanaq.